



**PEKELILING PENTADBIRAN
BILANGAN 7 TAHUN 2014**

**PINDAAN SKIM PERKHIDMATAN JURURAWAT
DENGAN MEMPERUNTUKKAN PERBEKALAN
KENAIKAN PANGKAT KE KUMPULAN
PENGURUSAN TERTINGGI,
DI UNIVERSITI TEKNIKAL MALAYSIA MELAKA
(UTeM)**

Pejabat Pendaftar
3 Mac 2014

Disalinkan kepada:

Naib Canselor
Timbalan Naib Canselor (Akademik & Antarabangsa)
Timbalan Naib Canselor (Penyelidikan & Inovasi)
Timbalan Naib Canselor (Hal Ehwal Pelajar & Alumni)
Pegawai-Pegawai Kanan

UNIVERSITI TEKNIKAL MALAYSIA MELAKA

UTeM.02.05.03/100-3/2/1 Jld. 3 (56)

3 MAC 2014

PEKELILING PENTADBIRAN BIL. 7/2014

PINDAAN SKIM PERKHIDMATAN JURURAWAT DENGAN MEMPERUNTUKKAN PERBEKALAN KENAIKAN PANGKAT KE KUMPULAN PENGURUSAN TERTINGGI, DI UNIVERSITI TEKNIKAL MALAYSIA MELAKA (UTeM)

1.0 TUJUAN

Pekeliling Pentadbiran ini bertujuan untuk memaklumkan kepada semua staf Universiti Teknikal Malaysia Melaka (UTeM) mengenai keputusan pihak Universiti atas perakuan Mesyuarat Lembaga Pengarah Bil. 6/2013 yang bersidang pada 30 Disember 2013 telah bersetuju untuk menerima pakai Pekeliling Perkhidmatan Bil. 9/2013 secara sepenuhnya berhubung Pindaan Skim Perkhidmatan Jururawat Dengan Memperuntukkan Perbekalan Kenaikan Pangkat Ke Kumpulan Pengurusan Tertinggi bagi dikuatkuasakan pelaksanaannya di Universiti Teknikal Malaysia Melaka (UTeM).

2.0 LATAR BELAKANG

2.1 Perkembangan profesion kejururawatan perlu dinamik ekoran perubahan dan kehendak perkhidmatan semasa, skop tugas yang luas dan kompleks dalam menangani perubahan-perubahan pantas dan drastik yang berlaku dalam sistem kesihatan negara dan juga pentadbiran awam. Kepentingan perkhidmatan Jururawat turut diambil kira bagi memperkukuhkan serta memantapkan tadbir urus *clinical governance* dan penggubalan dasar-dasar yang berkaitan dengan Jururawat dan perancangan program pembangunan perkhidmatan kejururawatan untuk mencapai Dasar Kesihatan Kebangsaan.

2.2 Sehubungan dengan itu, kerajaan bersetuju supaya diwujudkan jawatan kenaikan pangkat Jururawat ke peringkat Kumpulan Pengurusan Tertinggi bagi membantu Kementerian Kesihatan Malaysia menggubal dasar-dasar yang berkaitan dengan Jururawat dan perancangan program pembangunan perkhidmatan kejururawatan untuk mencapai dasar-dasar dan objektif kementerian.

3.0 PINDAAN SKIM PERKHIDMATAN

Skim perkhidmatan Jururawat Gred U29, U32, U36, U41/U42, U44, U48, U52 dan U54 sedia ada adalah dipinda dengan memperuntukkan perbekalan kenaikan pangkat ke

Gred Utama/Gred Khas dalam Kumpulan Pengurusan Tertinggi. Perbekalan-perbekalan lain dalam Skim Perkhidmatan Jururawat yang sedang berkuat kuasa dikekalkan. Skim Perkhidmatan Jururawat yang baharu adalah seperti di **Lampiran A Pekeliling Perkhidmatan Bil. 9 Tahun 2013**, manakala contoh format iklan adalah seperti di **Lampiran B Pekeliling Perkhidmatan Bil. 9 Tahun 2013**).

4.0 PELAKSANAAN

Pekeliling Pentadbiran ini hendaklah dibaca bersama Pekeliling Perkhidmatan Bil. 9 Tahun 2013. Salinan pekeling tersebut boleh dirujuk sama ada di laman web Pejabat Pendaftar atau laman web Jabatan Perkhidmatan Awam Malaysia (JPA) di alamat <http://www.jpa.gov.my> .

5.0 TARIKH KUAT KUASA

Pekeliling Pentadbiran ini berkuat kuasa mulai **1 Jun 2013**.

6.0 PEMBATALAN

Pemakaian Pekeliling Pentadbiran ini akan membatalkan Pekeliling Perkhidmatan seperti berikut:

6.1 Pekeliling Perkhidmatan Bil. 9 Tahun 2005; dan

6.2 Pekeliling Perkhidmatan Bil. 27 Tahun 2005.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah,



DATUK HASAN BIN SIRUN

Pendaftar

Universiti Teknikal Malaysia Melaka

/ukp